

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

A PAIN SINANCĚ BANA

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun camaxunbi 'unancĕ 'aish ca camabi uni, uni itsin racueocema 'janan cĕmei ami mananquin 'atimocĕna 'aish chŭamarua bucuti 'icĕn.

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun sinanti 'ainbi ca an usaquin sinancĕma unicaman an sinancĕx a meu 'icĕ uni 'aisamaira tĕmĕramianan paĕ tanmiquin 'atimoia, uni raíri usoquin uni 'ati ca 'aisama 'icĕ quicĕbĕtanbi. Usaquin bĕtsi uní 'ati cuĕĕnima ca camabi uni ěsai iti 'icĕn: ańu ńu ńui cara banaia a cupí ubíocĕma ítí, 'ianan ańu ńu cara sinania a cupí ubíocĕma 'iti, 'ianan ańu cara pisa tania pianan ain cuĕĕncĕ ńu bianan uinu cara 'isa tania anu 'iabi ca bĕtsi uní unin racuĕotima icĕn.

CAMAXUNBI CA 'UNANIA: Gobiernocaman uni upitax bucunun quixun bana mĕniocĕma 'ain tĕmĕraquin ca unicaman masá nuituquin ain 'apumibí nishi 'acananti sinanti 'icĕn.

CAMAXUNBI CA 'UNANIA: Camabi netenu 'icĕ unicama ubíocĕma 'aish chŭamarua 'inun ca camabi nĕtĕnu 'icĕ gobiernobĕ ain unicamaribi bĕtsi gobierno 'imainun ain unicamabĕ nishananima upí iti 'icĕn.

CAMAXUNBI CA 'UNANIA: Gobiernocaman xucĕx timĕcĕ unicaman ca upíma ńu 'acĕma 'aish ca camabi uni bĕtsibĕ sĕnĕn 'aish ubionancĕma upiti ítí icĕ quixun sinanquin camabi uni usai 'inun 'aquinú camaxbi 'iásamaira oi upiti bucunun.

CAMAXUNBI CA 'UNANIA: Gobiernocamanribi ca caxa, camabi 'apun anĕcĕ unicaman sinancĕsaribi oquin cananuna nunribi sinanin. Usaxun cananuna atubĕtan atún sinancĕsabi oi nun nĕtĕnu 'icĕ unicama 'atima ńu 'acĕma 'aish upiti bucunun 'aquinti 'ain.

CAMAXUNBI CA 'UNANIA: Camabi unicama ubíocĕma upiti bucunun ca camaxunbi pain ĕnĕ banacama unanquin sinanti 'icĕn.

Gobiernocaman xucëx timëcë unicaman ca ësaquin caxa:

A ÑUCAMA SINANXUN CA AXA ANU TIMËCË UNICAMAN ËSAQUIN CAXA:

Camabi nëtënu 'icë unicaman: ësai 'iti 'aish ca camabi uni upiti bucutí ice quixun sinanquin ca ënë quiricanua ñuicë banacama manutimoquin sinánan an ënë bana 'unancëma unicamanribi upí oquin 'unánun 'unanmití 'icën. Camabi gobiernonën ca ain nëtënu icë unicaman ënë banacama upí oquin 'unánun 'aquinti 'icën.

Camabi nëtënu 'icë unicaman ënë banacama upí oquin 'unánun ca gobiernocama bëtsi gobiernobë 'aquiananti 'icën.

1.

Ui uni cara 'iti icë axbi ca bëtsi unibë gobiernonën iscëx sënën ití icën. Ui cara ain tita ain papa 'iaxa quixun sinanquinma ca gobiernonën sinancëx ax bëtsibë sënën 'icën. Camaxunbi ca sinanti 'unanin. Camaxunbi ca añu ñu ati cara asábi 'icën, añu ñu 'ati cara 'aisama 'icë quixun 'unanti 'icën. Usa 'ain ca camaxbi ain xucënbë 'icësaribiti nuiananti 'icën.

2.

Uinu 'icë ëmanu 'icë uni cara ax 'icë, ui unin aintsi cara ax 'icë, ax cara xanu 'icë, ax cara nucë bënë 'icë, uisa banan cara banaia. Nucën Papa Diosmi cara sinania, ami sinanima añu ñubi rabi cara sinania, ui unicamax cara 'apu 'iti ice quixun sinania, añu ñu cara sinania, uisai cara ain papa ain tita 'ia, ñuñu cara ax 'icë, ñuñuma cara, usa ñucama sinanquinma ca gobiernonën camabi uni ñu 'atima 'acëma 'aish ca bëtsi unibë sënën icë quixun sinanti 'icën.

Uisa cara ain nete icë, a nëtë cupí ca uni 'atimocë 'itima 'icën.

3.

Ui unibi ca bëtsi unin bamamiti sinantima 'icën. Ca chiquítimoi sipuacë 'itima 'icën. Ca 'atimocë 'itima 'icën.

4.

Uinu 'icē unixbi ca chiquitimoquin marucē 'itima 'icēn. Uni chiquitimoquin maruxun 'ibuati 'aíma ití 'icēn.

5.

Uinu ice unibi ca 'aisamaira oquin uni itsin paē tanmitima 'icēn. Bētsi uni ami nishquin paē tanmiquin 'atimocē a ca 'itima 'icēn. Ńuina 'acēsa oquin 'atimocē ca uni 'itima 'icēn.

6.

Uinu 'icē uníxa uinu cara 'ia a ca anu 'icē gobiernonēn uni itsi 'acēsaribi oquin sinanti 'icēn, ax bētsi unisaribi 'icē cupí.

7.

Uinu ice unibi, ami uni itsin upima sinanquin paránan 'atimonunma ca gobiernonēn 'aquintí 'icēn. Enē banacama sinanquinma ain cuēēncēs a oquin unin uní itsi atimoi ami 'ēsēnanunma ca gobiernonēn bēruati 'icēn.

8.

Uni ñu 'atima 'acēma 'icēbi uni itsin 'atimocē 'ixun ca a unin an uni bana mēnioxuncē 'apu cati 'icēn. Cacēxun ca mēniotí 'icēn, gobiernonēn cacēsabi oquin.

9.

Uinu 'icē unixbi ca añubi 'uchacēma 'icēbi bētsi uni ain cuēēncēsa oquin sipuacē 'itima 'icēn. Sipunu 'icē ca anubi 'inun ěntima 'icēn. Ain menua ca bētsi menu cuantanun xutima 'icēn.

10.

Unin uisa ñu 'acë 'icëa bëtsi uni a 'aisamonun quixun ami mananquin cacëxun ca an bana mënioçë 'apun bëtsi uni manancë a unin banaribi asërabí cara usa 'icë quixun 'unantí 'icën, uni raírinënribi ismainun. Upí oquin istancëxuinshi ca cati 'icën, uisa cara a uní otí ice quixun, gobiernonën ain quiricanu mëníosabi oquin.

11.

Uinu 'icë uni cara uni itsin ami manania, a ca an bana mënioçë 'apun pain upí oquin sinantí 'icën, sapi ca ñu 'atima 'acëma 'icë quixun. Gobiernonën cacësabi oquin pain ca isti 'icën uisa ñucama cara 'axa quixun. Uni rairinën ismainun ca axa ami manancë unicaman bana cuanan amia manancancë a unin banaribi cuanan an a uni unancë unin banaribi cuatí 'icën. Cuaxuinshi ca asérabi uisa cara a uni 'iaxa quixun upí oquin 'unantí 'icën.

Uisai cara gobiernonën bana quia usoquinshi ca an bana menioce 'apun a 'uchacë uni asérabi ain ñu 'atima 'acë istancëxun uisa cara otí ice usoquin 'atí 'icën. Anun a ñu 'aisama 'acë nētë ain fecha isquin ca an bana mënioçë 'apun a fecha gobierno quicë bana bëtisoima a bana quicësabi oquinshi axa 'uchacë uní atí icën.

12.

Uinu 'icë uninbi ca ain cuëëncësa oquinshi bëtsi uni 'imainun ain xanu 'imainun ain bëchicë ubiotima 'icën, ain xubunu ca atsintima 'icën, ain quirica bëtsi unin bëmíçë 'imainun quirica an buanmicë ca rairinën bitima 'icën. Usa 'ain ca uinu ice unixbi, a unix ca 'aisama icë quixun uni rairi sinanmi 'atimati banatima 'icën. Usai banacëbëtanbi an bana menioce apun gobiernonën cacësabi oquin meniotí 'icën.

13.

Uinu cara uni cuainsa tania, anu ca cuanti 'icën; ain nētënu 'aisch uinu cara tsotisa tania ca uní anu tsoti 'icën.

Ui unix cara ain nētënuax nētë itsinu cuainsa tania ax ca cuanti 'icën. Amanu 'itancëx ain nētënu utēcëinsa tani ca uti 'icën.

14.

Uix cara ain nētēnuxun bētsi bētsi ocē 'ia ax ca tēmēranuxma bētsi nētēnu cuainsa tani cuanti 'icēn.

Ain ñu 'atima 'acē cupí gobiernonēn mēnioquin 'atimocē usa uni ca ain nētēnuax tēmērati rabanan bētsi nētēnu cuantima 'icēn.

15.

Camabi uni ca ain netenu ití icēn.

Enē nētē minan 'aishbi ca minanma 'iti 'icē quixun ca unin bētsi uni catima 'icēn. Bētsi nētēnu 'isa tanquin ca unin usai 'inuxun gobiernobētan mēniotí 'icēn.

16.

Bētsi bētsi unix ca quia: Uni canice ixunbi ca bētsi netenu icē xanu bitima 'icēn, ca bētsi banan banacē xanu bitima 'icēn, ca an rabicē dios rabicēma xanu bitima 'icēn. Usa unix quicēsai ca 'itima 'icēn. Unin usa xanu canicē 'icē bisa tanquin ca bití 'icēn, a xanu cuēēncēbētan. Atux 'isa tani ca bēchicēñu 'ití 'icēn. Gobiernonēn iscēx ca a uni ain xanubē sēnēn 'icēn, xēnibua 'ainbi.

Nucē bēñē cuēēnquinshi ca xanu biti 'icēn, a anúribi cuēēnia ca bití 'icēn.

Tuácama ain tita ain papabē 'aquiananti ca asábi 'icēn. Usai upíti bucunun ca camabi unin sinantí 'icēn.

'Apunribi ca usai 'inun sinanxunquin 'aquintí 'icēn.

17.

Uni meñu 'isa tania ca uni itsin meñu 'inun ěnti 'icēn. Xuburibi 'imainun añu ñuñu cara uni 'isa tania ca uni itsin a ñuñu 'inun ěnti 'icēn. 'Aisa tanquin uni rairibētan mēnótancex ca a ñu ainainshima, rairinanribi 'iti 'icēn.

Unin ca ain cuëëncësa oquinshi bëtsi unin ñu bitima 'icën.

18.

Camabi unin ca ain cuëëncësa oquin sinanti 'icën; uni rairinën ubiocéma ca 'ití 'icën. Uisoquin cara ain dios rabitisa tania usoquin ca 'ati 'icën. Usaquin sinanxunbi ca amiribishi 'aisa tanquin sinantécentí 'icën; uni rairinén ubiocéma ca 'ití 'icën. En rabicë diosan iscëx ca bëtsi bëtsi ñu 'ati 'aisama 'icë quixun sinancë uni ca bëtsi unin a ain cuëëncësabi oquin 'anun ënti 'icën. Usa ain ca ain diosmi catamëisa tania bëtsi unin a 'axunma 'anun catima 'icën. An rabicë dios ca anbi rabití 'icën. 'Aisa tani ca uni rairibë timëquin abëtan rabití 'icën. Rabiquin ca 'aisa tanquin rairi uniribi ain dios ñuiquin 'unanmití 'icën.

19.

Camabi unin ca ain cuëëncësa oquin sinanti 'icën. Ca ubiocéma 'iti icën. Ca bëtsi unin cacë bana 'aisa tanquin sinanti 'icën. Bëtsi nëtënu 'icë unibëribi ca 'unanmiananti 'icën. Usai 'i ca ubiocéma iti 'icën. Usaribi oi ca ain sinancë ñu ñui banatisa tani banati 'icën; ca ubiocéma 'iti 'icën.

20.

Uni rairibë timçtisa tani ca uni upí oquiinschi sinanx timetí 'icën.

Uinu 'icë uninbi ca bëtsi unin abëtan ñu 'aisama tania ubioxun ñu 'amitima 'icën.

21.

Camabi unin ca libreta electoralñu 'ixun ain cuëëncësa oquin 'apu caisquin votación 'atí 'icën.

Gobiernonën ain nëtënu 'icë unicama 'aquinun mēniocë ñucama ca camabi uninan 'icën. Ca esa 'icën: Bai cha anun ca carrocama 'imainun unicama cuainsa tani cuanti 'icën. Anun quirica buanmiti correo anun ca unin 'aisa tanquin ain quirica buanmiti 'icën. Usai ca 'iti 'icën.

Uisa gobierno cara a nētēnu 'icē unicama cuēēnia, usa ca ain gobierno 'iti 'icēn. Uisa gobierno cara a unicama cuēēnia 'unánun ca libreta electoralñu 'icē unicaman quiricanu cuēñeoquin uicama cara ain 'apu 'iti cuēēnia quixun 'unánun 'ati 'icēn. Camabi uni ain sinancēsabi oquin ca uix 'apu 'iti cara cuēēnia, ain anē quiricanu cueneotí icēn. Cuēñeocē ca uni itsin 'unantima 'icēn, anbi cuēñeocē ca ití 'icēn. Camabi uni ca bētsibē sēnēn 'icēn. Usa 'aish ca camabi uni gobierno quicēsabi ol libreta electoralñu 'iti 'icēn.

22.

An ñu 'atima 'acēma 'aish ca uinu 'icē unixbi rabinima bētsi uni 'icēsai ñu meetinu ianan uni rairibē nuianancē 'ianan ain rairinēn ñu 'acē 'icēsaribi oi 'isa tani iti 'icēn. Uní usai 'icēma 'aish tēmērala ca uni itsin 'aquinti 'icēn, ain 'apunribi mēniocēsabi oi ca 'aquinca ití icēn. Uni ain nētēnuax cara uisa ñu cara 'icēbē tēnmēria ca bētsi nētēnu 'icē gobiernonēnribi 'aquinsa tanquin 'aquinti 'icēn.

23.

Camabi unin ñu mēētisa tanquin ca ñu meetí 'icēn. Añu ñu mēēti cara 'aisa tania a ñu mēēti mēraquin ca 'ati 'icēn. An ñu mēēmicē unin ca ain uni 'atimotima 'icēn. Ñu mēeti 'alma 'ain ca 'apun ñu mēēti mēranun 'aquintí 'icēn.

Ui uni cara, uisa cara ain bana 'icē, camabi uni ca sēnen 'icēn. Usa 'ixun ca upí oquin ñu meece 'ixun bētsi unin 'acēsaribi oquin ain cupí bití 'icēn.

Ui unin bētsi uni ñu mēēxuncē 'ixun ca ain cupí bití 'icēn, a 'imainun ain xanu 'imainun ain bēcicēcama upiti bucunun. Ain cupí 'itsamashi bicē 'aish 'aquinsa 'icē ca apun anun a 'aquinti mēníoti 'icēn.

An ñu mēēcē uni raíri unibē timēquin bētsibē bētsibē aquiananisa tanquin, ulsoquin cara ain ñu mēēti 'ati 'icē quixun sinánan uisa cara ain ñu meetí icē quixun acama sinánux timētia ca uni itsin usaquin anun enti icēn.

24.

Camaxbi ñu mēētancēx tantiti ca asábi 'icēn. 'Uráinra tantiquinma ñu mēētancēx ca tantití 'icēn. Anun tantiti nētē gobiernonēn mēnlocēsabi oquin ca unin ñu mēēquinmabi ain cupí biti 'icēn.

25.

Camabi uni 'imainun ain xanu 'imainun ain bēchicēcama ěsai 'iti ca asábi "icēn: 'insincēma chuámarua, pitiñu, chupañu, anu itinu, insincē 'aish roñu 'iti. Uni ain ñu meetí 'alma, uni insince, uni bētsicē, xanu casunamēcē, uni xēni acama anun upiti 'iti 'alma 'ain, ain aintsin 'aquiniama ca a 'aquinti 'apun mēniotí 'icēn. Tuáñu xanucama 'imainun tuácamaribí upití inun ca 'aquincē ití icēn. Bētsi tuácama 'icēsaribitia 'inun ca unin xanumi sēcē' ocē tuácama bērúance ití icēn.

26.

Camabi tuá ca escuelanu atsintisa tani atsinti 'icēn. Cuploquinma ca primaria 'ati pain atsinti 'icēn. Camabi tuáratsu ca escuelanu cuanti 'icēn. Ui unicama cara escuela tēcnica anu atsintisa tania ca anu cuanti 'icēn, apun mēníosabi oi. Secundaria cēñutancēxun bētsi ñuribi unantisa tani ca bētsi escuelanuribi atsinti 'icēn, ain nota asábi ain.

Escuelanuxun ca quiricanu cuēñeocē ñuishi 'unanmicēma 'iti 'icēn. Anuxun ca alumnocama bētsi ñu 'atiribi 'unanmicē ití 'icēn, 'imainun ca upí oquian alumnonēn sinanti aribi 'unanmicē 'iti 'icēn. Bētsi menu 'icē unicama 'imainun bētsi banan banacē unicama 'imainun Nucēn Papa Diosmi sinancē unicama 'imainun ami sinancēma unicama, camabi nusaribi uni 'aish unibē nuibananti ca 'unanmicē 'iti 'icēn. Usaquin sinanmicēx ca gobiernocaman xucē unicama timēxun cuēñcēsabi oi unicama bētsibē nishanani 'acananti 'aima ití icēn.

Bētsi unin cacēsamaira oquin ca ain titabētan ain papan cati 'icēn, uisa escuelanuxuinra cara ain bēchicēnēn ñu 'unanti ice quixun.

27.



A ěmanu 'icē unicaman 'acēsa oquin ca anu 'icē uni rairinēn 'aisa tanquin usaribi oquin 'ati 'icēn. A ěmanu 'icē unicaman sinancēsa oquin ca anu 'icē uni rairinēn 'aisa tanquin usaribi oquin sinanti 'icēn, camaxunbi ñu 'ati upí oquin 'unánan upiti bucunun.

An ñu 'acē uní 'imainun an ñu cuēñēcē uni anpan 'acē 'ain ca bētsi unix, en 'acē ca quiax quitima 'icēn. Usai bētsi unix quití rabanan ca an ñu 'acē unin 'aisa tanquin an 'acē ñu a 'apu 'unanmiti 'icēn.

28.

Enē quiricacama quicēsabi oi camabi uni uni itsin ublocēma upiti bucuti 'inun ca camabi nētēnu icē unin ain aintsi 'aquinti 'icēn.

29.

Camabi únin ca ain ěmanu 'icē unicama 'imainun a 'urama 'icē ain caibucama 'aquianan atubētan ain ěma 'imainun mecama upí imití icēn. Usaquin 'ai cuni ca unix masá sinancēma 'aish upiti 'ití 'icēn.

Unix ublocē 'aish upiti bucucēma 'imainun unin ñu 'atima 'aquin uni itsiribi ñu 'atima 'amiti 'imainun bētsi bētsi ñu sinanquin uni raírí tsuáquirumiti usai 'iti rabanan ca gobiernonēn ain unicaman cuati bana mēñíoia. Usa oquin mēnlocē banacama ca ain unicaman cuati 'icēn.

Gobiernocaman xucēx timꞥcē unicaman upí oquin sinanquin ca ěnē banacama cuēñēcōxa. Usaribi oquin ca camabi unin ěnē bana isquin, usaquin sinanquin 'acē ca enex ice quixun upí oquin sinanti 'icēn. An 'acē unicaman sinancē bana ca bētsiotima 'icēn.

30.

Enē banacama bētsioquin ca uinu 'icē uninbi uni raíricama upiti bucunun quixun sinanquinma, 'ēx cuēñēcēsa oquin 'anun ca a bana quia quixun sinantima 'icēn. Uni raírí bētsi unibē timēcēcama 'imainun gobiernonu ice apucamanribi ca usa oquin sinantima icēn.

